

# **REFERAT SAA- Sanarfinermut Avatangiisinullu Ataatsimiititaq d. 01-06-2023**

**Mødedato** Torsdag d. 01. juni 2023 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunn	6
Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tus	9
Tankeqarfik 40E2, Ittoqqortoormiit, pillugu aalajangersakkat nutaat pillugit siunnersuummik taman	12
Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissa	15
Kommuneqarfik Sermersuumi Illuliornermi sanaartormililu nipiliorsinnaanermut ileqqoreqqusaq	19
Godthåb Jagtforening-imit pilersaarutitut qinnuteqaatip inaarutaasumik akuersissutigineqarnera.....	21
Pilersaarutitut siunnersuut Sermeq City inaarutaasumik akuersissutigineqarnera.....	25
Paamiut qanittuanni qassusersorluni qaleralinniarnissamut periarfissinneqarnissaq.....	31
Kuummiini tunitsiviup tungaanut aqqusinigissaasoqarnissaq siunnersuut.....	34
Oqaluuserisassanut tapiliussaq: Kommunimut pilersaarummut tapiliussaq 1A3-3 Jens Kreutzmanni	37
Taasariaqartut allat.....	40
Imaqarniliap akuerineqarnera.....	41

## **Punkt .: Saqqaa**

### **Ilaasortat:**

Pele Broberg (N), *siulittaasoq*  
Uju Petersen (IA)  
Lone Rosengreen Pedersen (IA)  
Naya Sophia Pedersen Lyberth (IA)  
Justus Hansen (D)  
Peter Davidsen (S)  
Dines Mikaelson (S)

### **Beslutning**

#### **Ataatsimeeqataasut:**

Pele Broberg (N), *siulittaasoq*  
Uju Petersen (IA)  
Lone Rosengreen Pedersen (IA)  
Peter Davidsen (S)  
Dines Mikaelson (S)

#### **Attaveqaatitigut peqataavoq:**

Justus Hansen (D)

#### **Ataatsimeeqataasinnaanatik nalunaartut:**

Naya Sophia Pedersen Lyberth (IA)

Charlotte Ludvigsen (IA)-imut sinniisuuvoq Naya Sophia Pedersen Lyberth (IA)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## **Punkt .: Nalunaarutit**

### **Beslutning**

Oqartussaaffeqarfimmi sanaartormilu pilersaarusiorfimmi ulapinnarnerpaaffiup naligaa. Nuussuarmi Mannguani kuuffinnik iluarsartuussinissamut isumaqatigiissusiortoqarpoq, maannakkumuugallartoq missingersuutaasuniit ajunnginnerusumik, sulili allanngortoqarsinnaavoq.

Ukioq mannamut asfaltilersuinissaq aallartinneqarpoq, Ceresvejimi biilnik inissiivik ippassaq asfaltilersorneqarpoq. Starkip nutaap eqqaani nunaminertaq (5.000 m<sup>2</sup>) sapaatip akunnerata naanerani isumagineqarnissaa neriuutigineqarpoq. Ukioq manna asfaltilersuinissamut isumalluarnarpoq.

Kuuffinnik saliineq ingerlavoq.

Aqquserngup sinaakkutaanik taarsersuineq ingerlavoq (Salliarnaq naammassiliivippoq)

Pumpeqarfiit unittooqattaarput, maannakkorpiaq sumiiffinni pingasuni uninngapput. 1 Kuuffissuup aniaffia napsimavoq. Ruujorilerisut suliaassanik nukingisaarneqattaarput. Kikkut tamarmik ulappupput. Ukioq manna kingusinnerusukku TB-nik/nuussinissamik qinnuteqarnissaq naatsorsuutigineqarpoq.

Polar Dive ikiortigalugu angallatinik qaqitsisarneq suli ingerlanneqarpoq, maannamut angallatit 7-it qaqinneqarput, taakku illuatungaanut sammisunik puttasuliinissamut akornutaammata (peqatigiiffimmit ukiuni arlalinnik kissaataasoq). Taamaattorli nunamut pitullugit aalajangersorneqarnissaat ajornartorsiutaavoq, tamatuminngalu Masik suliakkerneqarnikuuvoq. Ingerlavoq.

Paamiuni kalaaliaqqamik ingerlatsineq pillugu ingerlatsinermi isumaqatigiissummut siunnersuut PAPP-mut nassiunneqarpoq. PAPP-mit akissutissaq utaqqimaarneqarpoq. PAPP-imit isumaqatigineqassappat kommunalbestyrelsimut akuersissutigisassanngorlugu ingerlateqqinneqassaaq.

Kuuffiit illoqarfiup assingani nalunaarsorneqarnerat nutarterlugu aallartinneqarpoq. Asiaq suliaassanik arfinilinnik aallartissaaq. Kuuffinnut inissaqassutsip misissorneqarnera naammassingajalerpoq (Inuplan), 2017-ip kingorna inissiat sanaartorneqarsimasut qassiunersut kisitsisit kingulliit amigaataapput (kuuffiit illoqarfiup assingani nalunaarsorneqarnerat kingullermik 2017-imi nutarterneqarmat taakku ilaannginnamik). Paasissutissanik Inuplanimut tunniussinissamut immikkoortortaq ikiuutissaaq.

# **Punkt 1: Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut pillugit tamanut tusarniaaneq**

## **Beslutning**

Inassuteqaat imatut oqaaseqaatitalerlugu akuersissutigineqarpoq: Kommunimut pilersaarummut tapiliusseq sapaatip akunnerini 8-ni tusarniutigisassanngorlugu ingerlateqqinneqarpoq, taamaattorli qinnuteqaat ilaatinneqassanngilaq taanna tamatuma kingorna immikkoortillugu suliarineqassammat.

## **Bilag**

Aalajangersakkat pingaarnerit nutaatut siunnersuut

Allatut atuinermik qinnuteqaat

B-151-ip assitaa

## **Immikkoortumut 30D6-imut, Naasuliartarpi/Blomsterdalen, Tasiilaq, aalajangersakkat nutaat siunnersuutigineqartut pillugit tamanut tusarniaaneq**

Aalajangiiffigisassaq

SagsID.: EMN-2023-01842

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat pillugit siunnersuut sapaatip-akunnerini arfinilinni tamanut tusarniaassutigineqarnissaa akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Matumuuna Sanarfinermut Avatangiisinullu Ingerlatsiviup immikkoortup ilaanut 30D6-imut, Naasuliartarpi/Blomsterdalen, Tasiilaq, pingaarnertut aalajangersakkat nutaat pillugit siunnersuut saqqummiuppa. Immikkoortoq ullumikkut sanaartorfioqqusaanngitsutut, sukisaarsarfittut immikkoortutut toqqagaavoq atorineqarnissaa pinngortitaassutsimisut ittuussasoq aalajangersagaalluni. Immikkoortumi illoqarpoq 3-nik, tamarmik kuup qanittuani inissisimapput, taamaalillunilu illoqarfittut inissisimavoq. Pingaarnertut aalajangersakkat nutaat pillugit siunnersuummi immikkoortoq sukisaarsarfissatut aalajangersimaneqaannarpoq, kisianni periarfissiisoqarpoq illut pioreersut allanngortinneqarsinnaaneritut soorlu ilaatigut akunnittarfittut siunertalinnut. Ullumikkut Kommunimut pilersaarummi, immikkut pisoqartillugu, immikkoortoq D-mi akunnittarfiliorsinnaaneq illuaraliorsinnaanerlu periarfissaavoq, immikkoortullu ilaata pingaarnertut aalajangersagartaanik allanngineq taamaalilluni naapertuutilissaaq.

Immikkoortup ilaani illut taakku pingasut ilaat, B-151, pillugu Ingerlatsivik allatut atuinissamik qinnuteqaammik tigusaqarpoq. Illu GTO-p sulisuisa klubbiattut atorineqarsimagaluarpoq kingornalu imerniartarfittut. Kingullertut taaneqartumut atatillugu inissianit eqqaniittunit nipiliortoqarneranik akornusersuisoqarsimasoq nalunaarsuisoqarsimavoq. Illu ullumikkut assut aserfallassimavoq atorineqarunnaarsimallunilu. Illup marsimi 2023-mi assilineqarsimanera ilanngussaq 1 takuuk.

Qinnuteqartumit illu pioreersoq akunnittarfittut/tikeraanut illuttut, 10-nut inissalik, allanngortikkumaneqarpoq (takuuk ilanngussaq 2). Qinnuteqarnermut atatillugu atortunit nassiunneqartunit takuneqarsinnaavoq illu kaajallallugu qisummik isertarfeqassasoq aneerasaartarfeqarlunilu. Taamaannerata ininut ataasiakkaanut silataaniit toqqaannartumik isersinnaaneq periarfissaqartissavaa. Ataatsimoorluni illumi atorineqarsinnaasut pilersaarutaanngillat, aamma saaffiginnittarfik, ullaakkorsiortarfik assigisaalluunniit.

Ingerlatsivimmit nuannaarutigineqarpoq illut pioreersut siunertanut nutaanut atorniarneqalermata, tamanna allanik suliffissanik periarfisseeqataasussaammat. Taamaattorli atuinissamik allannguinermut siunnersuut matumani pingaarnertut aalajangersakkanut siunnersuut peqatigitillugu tusarniaassutigineqassasoq ingerlatsiviup innersuussutigivaa. Tusarniaasoqareerpat tusarniaanermut akissutigineqartut ingerlatsivimmit nalilersuiffigineqassapput tamatuma kingorna

inaarutaasumik politikikkikut akuerisassanngorlugu itigartitassanngorluguluunniit inassuteqaasiortoqassaaq.

Siunnersuut tamanut tusarniaassutigineqassaaq sapaatip-akunnerini 6-linni. Tusarniaaneq najukkami aamma kommunip tusarniaanermut nittartagaani allagarsiutigineqassaaq.

Matumani siunnersuut akuerineqassappat aalajangersagaareersut atorunnaarsinneqassapput.

### **Ingerlatsivimmit aningaasatigut sulisoqarnikkullu naliliinerit**

Matumani pingaarnertut aalajangersakkat nutaat siunnersuusiorneqarnerat pilersaarusiornermut immikkoortoqarfiup pilersaarutaasumik ingerlatsineranut ilaavoq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaataillit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Aalajangersakkat pingaarnertut nutaatut siunnersuut
2. Allatut atuinerimik qinnuteqaat
3. B-151-ip assitaa

## **Punkt 2: Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tusarniaaneq**

### **Beslutning**

Inassuteqaat akuersissutigineqarpoq.

### **Bilag**

4C7 - 1 Unaaq, Nuuk pillugu siunnersuut

# Kommunimut pilersaarummut tapiliussassatut siunnersuut 4C7-1 Unaaq, Nuuk pillugu tamanut tusarniaaneq

Aalajangiiffigisassaq

SagsID.: EMN-2023-00043

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

## Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Kommunimut pilersaarummut tapiliussassatut siunnersuut 4C7-1 Unaaq, Nuuk sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq tamanut tusarniaassutigineqarnissaa siunertarlugu Aningaasaqarnermut Inuussutissarsiornermullu Ataatsimiititamat akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

## Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussassatut siunnersuut 4C7-1 Unaaq, Nuuk, matumuuna saqqummiunneqarpoq. Kommunimut pilersaarummut tapiliussaqaq pilersaarusiornermut siunnersuut Unaaq – Qinngutsinni nutaamik inissialiornissaq, piffissami 02. marsi – 27. aprili 2022-mi tamanut tusarniaassutigineqartoq Kommunalbestyrelsimillu 30. aggusti 2022 akuersissutigineqartoq, tunngavigalugu suliarineqarpoq.

Matumani kommunimut pilersaarummik siunnersuummi immikkoortoq C nutaaq, Nuummi Qinngutsinni inissianut inuussutissarsiutinullu mingutsitsisuunngitsunut, atugassiissutigineqarpoq. Immikkoortoq illoqarfiup qeqqa pioreersoq nangillugu atugassiissutigineqarpoq, tassanngaanniillu inissiaqarfimullu Suloraq, Pinguaraq aamma Igimaq akornanni ikaarsaarfittut pilersinneqarpoq. Aqqusineq pioreersukkut Unaakkut immikkoortumut aqquteqassaaq, taanna pilersaarummik ineriartortitsinissamat periarfissiinissamat avammut tallineqassamat.

Katillugit sanaartorfissat tallimat atugassiissutigineqassapput, quleriit assigiinngitsuussapput sisamaniit arfinilinnut. Sanaartorfissami immikkut ataatsimik illuliortoqarsinnaavoq, taakkulu pingasunik ataatsimut sanaartukkanik illutaqassapput. Illuni init quleriit allersaat 50%-imik ammasutut sanaartorneqassapput, illup silataanik matuneqassanngillat. Taamaalilluni nunataatigut angallattoqarsinnaalissaaq, biilit unittarfiinik qulisanik sanaartortoqarsinnaalissaaq ilaallu ilanngullugit.

Illuliornikkut inissianik ataasiakkaanik 100-nik kiisalu inuussutissarsiornissamat periarfissanik arlalinnik, inissialiornermut ataqatigiissarsinnaasunik, sanaartornissamat periarfissaqalissaaq. Matumani inuussutissarsiutit mingutsitsisuunngitsut nipiliorfiunngitsullu pineqarput. Cafeqassappat/neriniartarfeqassappat unnuami nipiliorfiussanngillat.

Pilersaarutip ilaatut qaqqajunnakkut aqqusineeraliortoqarsinnaavoq, taamaasilluni Suloqqap Igimallu akornatigut aqquteqalissaaq. Silami sukisaarsaartarfiit amerlanerusut pilersinneqassapputaaq, tassunga ilanngullugit pinnguarterfiit, uninngaarterfiit ilaallu ilanngullugit.

## Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Kommunimut pilersaarummut tapiliussassatut siunnersuummik 4C7-1-imik akuersinikkut kommunimut pilersaarummut tapiliussani 4A4 - 2, 4A5-2/4A5 - 3 aamma 4C6 - 1 immikkoortumut aalajangersakkat allassimasut atorunnaarsinneqassapput.



### **Ingerlatsivimmit aningaasatigut sulisoqarnikkullu naliliinerit**

Kommunimut pilersaarummut tapiliussassatut siunnersuut una pilersaarummik piginnittumit suliarineqarpoq. Ingerlatsivimmit pitsaassutsimik qulakkeerinninneq, siunersiueqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaarsaatillit**

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. 4C7 - 1 Unaaq, Nuuk pillugu siunnersuut

## **Punkt 3: Tankeqarfik 40E2, Ittoqqortoormiit, pillugu aalajangersakkat nutaat pillugit siunnersuummik tamanut tusarniaaneq**

### **Beslutning**

Inassuteqaat akuersissutigineqarpoq.

### **Bilag**

Immikkoortup ilaanut 40E2-mut, Tankeqarfik, pingaarnertut aalajangersagassatut siunnersuut

Nutaamik inissiffissaa ilaatillugu KNI-miit qinnuteqaat

Immikkoortup ilaata nutaamik killeqarfissaatut illorsuullu nutaamik inissiffissaanut siunnersuutitalik immikkoortup ilaa 40E2 pillugu nunap assingani takussutissaq

## Tankeqarfik 40E2, Ittoqqortoormiit, pillugu aalajangersakkat nutaat pillugit siunnersuummik tamanut tusarniaaneq

Aalajangiiffigisassaq

SagsID.: EMN-2023-02019

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat nutaat pillugit siunnersuut sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

### Suliassamik saqqummiussineq

Matumuuna Sanarfinermut Avatangiisinullu Ingerlatsiviup immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat nutaat pillugit siunnersuut saqqummiuppa. Ullumikkut immikkoortoq teknikkimik atortulersuutitut atugassanngortitaavoq aamma nunaqarfiup tankeqarfianut atorneqarpoq. Immikkoortup ilaa 40E2 Ittoqqortoormiit kitaata tungaaniippoq, Aalborgvejip eqqaatigut umiarsualiviup uiggiutaani tamannalu 0,7 ha-it missiliorlugit annertussuseqarpoq.

Pingaarnertut aalajangersagassatut siunnersuummi immikkoortup teknikkimik atortulersuutitut siunertalinnut atorneqarnissaa aalajangiusimaneqarpoq, immikkoortulli ilaa avannamut killinga annertusitinneqassaaq taamaalilluni immikkoortoq 10,5 ha-itut annertutigilersinneqarluni. Immikkoortup ilaa taamaalilluni nunaqarfiup innaallagissiorfianik, transformatoreqarfimmik gassiisivimmillu peqarpoq tassalu immikkoortup ilaani tassani teknikkimut atortulersuutit ataatsimoortinneqarput.

Qamutitut motorilinnut garagiatut atugassamik haalimik qaarajuttuliornissaaq pillugu KNI-miit qinnuteqaat ingerlatsivimmit tiguneqarpoq. Illut marluk (B-231 aamma B-605) Polaroilimit pigineqareersut haalimik qaarajuttuliassatut qinnutigineqartup eqqaaniittut. Haalimik qaarajuttussap inissisimaffissaatut kissaatigineqartoq Qanganitsat eqqaanni Qitiusoqarfimmi immikkoortup ilaa 40C2-miippoq, tassanilu pingaarnertut aalajangersakkat atuuttuusut naapertorlugit sanaartorneq inerteqqutaalluni. Siuliani immikkoortup ilaata killeqarfianik allannguissamut siunnersuutigineqarnerani haalimik qaarajuttoq immikkoortup ilaani 40E2-mi inissinneqassaaq matumanilu pingaarnertut aalajangersakkat nutaat naapertorlugit sanaartorneqarsinnaanngussalluni. Qinnuteqaat nutaamik inissisimaffissatut kissaatitalik ilanngussaaq 2-tut ilanngunneqarpoq.

Siunnersuut sapaatip-akunnerini arfineq-pingasuni tamanut tusarniaassutigineqassaaq. Tusarniaaneq najukkami aamma kommunip tusarniaanermut nittartagaani allagarsiutigineqassaaq.

Matumani siunnersuut akuerineqassappat aalajangersagaareersut atorunnaarsinneqassapput.

### Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusionerqarnerat pilersaarusionermut immikkoortoqarfiup pilersaarutaasumik ingerlatsineranut ilaavoq.

## **Suliffeqarfimmut Kiffartuussivimmit aningaasatigut naliliineq** Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunitumut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Immikkoortup ilaanut 40E2-mut, Tankeqarfik, pingaarnertut aalajangersagassatut siunnersuut
2. Nutaamik inissiffissaa ilaatillugu KNI-miit qinnuteqaat
3. Immikkoortup ilaata nutaamik killeqarfissaatut illorsuullu nutaamik inissiffissaanut siunnersuutitalik immikkoortup ilaa 40E2 pillugu nunap assingani takussutissaq

## **Punkt 4: Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissaa**

### **Beslutning**

Inassuteqaat amerlanerussuteqartunit (IA, N aamma D) akuersissutigineqarpoq.

Ikinnerussuteqartutut Siumumit oqaaseqaat: Inassuteqaat akuerineqanngilaq pilersaarummullu qinnuteqaat itigartinneqarluni. Nunaminertat sinneruttut qanoq atorluarneqassanersut ersarissarneqarnissaat aamma kikkut tamarmik nunaminertanik qinnuteqarsinnaanerat ammaanqassasoq Siumumit kissaatigineqarpoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarutitut qinnuteqaat, Issortarfimmi Allaffeqarfiit

Pilersaarummik piginnittup allagartai

Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

## Issortarfimmi Allaffeqarfiit pillugit pilersaarummut qinnuteqaatip inaarutaasumik akuerineqarnissaa

Aalajangiiffigisassaq

SagsID.: EMN-2021-12973

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarutit siunnersuut Issortarfimmi Allaffeqarfiit akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Pilersaarutit qinnuteqaat Issortarfimmi Allaffeqarfiit pilersaarummik piginnittoq Piginneqatigiiffik Anpartsselskabet 1/9 2019, Per Laugesenimit, sinnerlugu Sanarfinermut Avatangiisinullu Ingerlatsivimmit saqqummiunneqarpoq.

Issortarfimmi Allaffeqarfiit sapaatip-akunnerini arfineq pingasuni, piffissami 1. marsi - 26. aprili 2023, tamanut tusarniaassutigineqarpoq. Tusarniaassutiginerani tusarniummut akissutit sisamat tiguneqarput, taakkunanilu marluk oqaaseqatigiinnik annikitsunik allannguuteqartitsinermik kinguneqarput. Tusarniaanerup nalaani Katuami paasissutissiilluni ataatsimiisitsisoqarpoq, tassunga innuttaasut 0-it takkupput.

### Pilersaarut

Issortarfimmi Allaffeqarfiit pillugit pilersaarummut qinnuteqaammi 15.000 m<sup>2</sup>-it illunut tallimanut allaffissornermut inuussutissarsiutinullu agguataakkat pineqarput.

Ukuningga sanaartornissaq qinnuteqaatigineqarpoq:

- Illut tallimat 2-4-nik quleriillit
- Illoqarfimmi aqqusineq nutaaq Issortarfimmut atassuserneqassaaq
- Nutaamik sanaartornermi biilit unittarfii
- Sanaartukkanut pioreersunut atatillugu biilit unittarfii nutaat 25-t pilersinneqassapput
- Aqqusineeqqat aamma pisuinnaat aqqutaat

### Illoqarfiup pingaarnertut pilersaarusiorneqarnera

Pilersaarusiork immikkuualuttoq 2C2 Issortarfik, Nuummiippoq, ullumikkullu inuussutissarsiornermut allaffissornermullu illoqarpoq. Immikkuualuttup kujataatungaa sanaartorfiunngilaq immikkuualuttorlu pilersaarusiorneqarsimanani.

Pilersaarutip imarai, aqqusinnermut attaviup saniatigut, aqqusineeqqat, immikkuualuttumit immikkoortumi aqqusineeqqat pisuinnaallu aqqutaannik pioreersunik ataqatigiissitsisut. Ilanngunneqarsimapput qorsooqqissut aamma nasiffiit Issiavinnik takisuunik naasulerfinnullu pilersorneqartussat.

### Illuliortaatsimut taaguutit pingaarnertit

Illuliortaatsimut tunngatillugu siunnersuutip titartagartaani sanaartornerup ilisarnaatigaa sanaartukkat sanileriaartunik, tallimanik 2-4-nik quleriilinnik, immikkut inissisimasunik illutaqarnissaat. Sanaartukkap inissisimaneratigut isikkiveqartitsinissaq aammalu illunit tamanit/illunullu qaammarissuutitsisoqarnissaa eqqumaffigineqarpoq. Illut tamarmik igalaavisa

sinaat akuttoqatigiissapput igalaallu angisuujussallutik, qaliallu ilusaat sivinganerilu assigiinngisitaartuussapput. Pilersaarutip angissusaatigut, ilusaatigut atortussanillu toqqakkatigut Issortarfimmi sanaartukkanut pioreersunut ilassutitut ippoq.

#### Inunnut sukisaarsarfinnullu tunngasut

Ilanngunneqarsimapput qorsooqqissut aamma nasiffiit Issiavinnik takisuunik naasulerfinnillu pilersorneqartussat. Tamatuma saniatigut illunut atasunik siunissami atuisussanut aneersuortarfinnik sanasoqassaaq.

#### Pinngortitap assigiinngiiaartuunera aamma silap pissusaanut naleqqussaaneq

Pilersaarummi nuna naasullu pioreersut attatiinnarnissaat anguniarneqassaaq.

Sanaartorfissagissaanermut tunngatillugu qutsissuseq immap qaaniit uuttorlugu 51 - 39-imiit nunagissaasoqassaaq.

#### Inerniliineq

Ingerlatsivimmit pilersaarutitut siunnersuummut tulliuttunik oqaaseqaateqartoqarpoq, pilersaarut akuerineqassappat, siunissami kommunimut pilersaarummut tapiliussamik suliaqarnermi aalajangersakkanut ilanngussassatut innersuussutaasunik.

- Silami uninngaartarfissat immikkoortumut pingaaruteqarluinnartussaapput, taamaattumillu pingaartinneqarluinnartussaallutik. Isikkiviit qorsooqqissortallu seqinnermut, anorimut, isikkivimmut biilillu inissiiviinut allanullu naleqqussarlugit pilersinneqassapput
- Immikkoortoq akimorlugu pisuttunut toqqissisimanartumik aqutissanik, avammut Nuussuup Mannguanut atassuserneqartussanik, pilersitsisoqarnissaa qulakkeerneqassaaq. Tassunga tunngatillugu qaammaqqusersuinerlut, angallattunut allanut alianaanneratalu naleqassusaanut aamma atuuppoq
- Siuliini eqqaaneqartut tunngavigalugit illut silatai suliarineqassapput, taamaalilluni inuit angallaffigisaat uninngaartarfiilu atortussanik toqqaanermi ilaalu ilanngullugit ilaatinneqassammata

Ingerlatsiviup innersuussutigivaa kommunimut pilersaarummut tapiliussaq 2C2-1 atorunnaarsinneqassasoq, immikkoortup ilaanullu nutaamik pilersaarummut tapiliussamik suliaqartoqarluni.

#### **Ingerlatsivimmit aningaasatigut sulisoqarnikkullu naliliinerit**

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartornermilu aningaasartuutissat tamaasa nammineq akilissagai.

Pilersaarut sanaartukkat allat assigalugit pisortat kuuffissuaannut pingaarnernut atassuserneqassaaq, ullumikkullu taakku annertusarneqarnissaat pisariaqartinneqarpoq. Pilersaarummik qinnuteqartoq ingerlatsivimmit ilisimatinneqarpoq, kuuffissuaqarnikkut ingerlatsinermi ajornartorsiuteqartoqarpoq, tassa sumiiffimmi eqqaamiuusunut tunngatillugu kommunimut pilersaarummut tapiliussat assigiinngitsut akornanni kuuffissualersuineq takisooq eqqarsaatigalugu. Taamatullu kommunimit qinnuteqartoq ilisimatinneqarpoq, pilersaarutip pingaarnertut kuuffissuaqarnikkut sunniutigisinnaasaanik qinnuteqartup takussutissaliussagaa sunniutigisaanillu aqqiissutissamik siunnersuusiussasoq.

Pilersaarutitut qinnuteqaat killeqarfiinut tunngasutigut akuersissutigineqassagaluarpat kommune aningaasaqarnikkut pisussaaffiligaassanngitsoq. Taamaattorli kuuffissuaq pineqartoq kuuffinnik iluarsartuussinissamut pilersaarummut ilaatinneqareerpoq, 2025 1 mio. koruunit aamma 2026-mi 6 mio. koruunit, kuuffissuullu pingaarnernup aqutigisaanut kommunimut pilersaarutitut tapiliussanut tamanut attuumassuteqarluni.

## **Suliffeqarfimmut Kiffartuussivimmit aningaasatigut naliliineq** Pisariaqanngilaq.

### **Inatsisitigut tunngavissaq allakkallu tunngaviumik uppersaatitalit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunitut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarutitut qinnuteqaat, Issortarfimmi Allaffeqarfiit
4. Pilersaarummik piginnittup allagartai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutitut qinnuteqaatinik ingerlatsineq
8. Pilersaarutitut qinnuteqaatit misissuiviat
9. Inatsisartut inatsisaat nr. 34, 9. december 2015-imeersoq

## **Punkt 5: Kommuneqarfik Sermersuumi Illuliornermi sanaartornermilu nipiliorsinnaanermut ileqqoreqqusaq 2023**

### **Beslutning**

Inassuteqaat imatut oqaaseqaatitalerlugu akuersissutigineqarpoq: Maleruaqqusaq tusarniutigineqannginnerani §4, imm. 2, pkt. 1-imi piffissat pineqartut allanngortinneqartariaqarput. Ulluinnaat arfininngornerillu assigiinngisinneqarusunngillat.

### **Bilag**

Kommuneqarfik Sermersuumi illuliornermit sanaartornermillu nipit akornusersuutaasartut pillugit ileqqoreqqusaq



## **Kommuneqarfik Sermersuumi Illuliornermi sanaartornermilu nipiliorsinnaanermut ileqqoreqqusaq 2023**

Aalajangiiffigisassaq

SagsID.: EMN-2023-01495

Sanarfinermut Avatangiisinullu Ingerlatsivik – pisortaangallartoq Asmus Jessen Rubæk / ASJR

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- siunnersuut Kommuneqarfik Sermersuumi Illuliornermi sanaartornermilu nipiliorsinnaanermut ileqqoreqqusaq 2023 sapaatip-akunnerini arfineq-pingasuni tamanut tusarniaassutigineqarnissaa akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussaq**

Ingerlatsivik akuttunngitsumik saaffigineqartarpoq sanaartorfinni nipiliorsinnaanermut malittarisassaqarnersoq. Maannakkuungallartoq Kommuneqarfik Sermersooq namminerisaminik ileqqoreqqusamik peqanngilaq. Tamatuma kinguneranik ileqqoreqqusamik peqalernissaq pisariaqartinneqartoq malunnarmat, siunnersuummik maanna saqqummiussisoqarpoq.

*Nipiliornernut illersuinissaq pillugu kommunit malittarisassa at pillugit Namminersorlutik Oqartussat nalunaarutaat nr. 17, 6. juli 2016-imeersoq naapertorlugu ingerlatsivik maanna siunnersuummik saqqummiussaqarpoq. Siunnersuut ingerlatsiviup iluani tusarniutigineqarnikuuvoq, tamatumalu saniatigut siunnersuisartumit avataaneersumik suleqateqarnikkut ileqqoreqqusatut siunnersuutissap inaarutaasumik isikkua maanna anguneqarnikuulluni.*

### Ingerlariaqqinnissaq

Siunnersuut sapaatip-akunnerini arfineq-pingasuni tamanut tusarniaassutigineqassaaq.

### **Aningaasatigut suliatigullu Ingerlatsiviup naliliinera**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataatillit**

- o Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- o Nipiliornernut illersuinissaq pillugu kommunit malittarisassa at pillugit Namminersorlutik Oqartussat nalunaarutaat nr. 17, 6. juli 2016-imeersoq
- o Miljøstyrelsens vejledning nr. 5 fra 1984

### **Ilanngussaq**

1. Kommuneqarfik Sermersuumi illuliornermit sanaartornermillu nipit akornusersuutaasartut pillugit ileqqoreqqusaq

## **Punkt 6: Godthåb Jagtforening-imit pilersaarutitut qinnuteqaatip inaarutaasumik akuersissutigineqarnera**

### **Beslutning**

Suliaq ingerlatsivimmut uterteqqinneqassaaq, piunaffigineqarlunilu qinnuteqartoq politiillu suleqatigalugit inissisimaffigisinnaasaannut periarfissarsiuussasoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Godthåb Jagtforening pilersaarutitut qinnuteqaat

Pilersaarummik piginnittup allagartai

Naliliinissamut immersuiffissaq

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq



# Godthåb Jagtforening-imit pilersaarutitut qinnuteqaatip inaarutaasumik akuersissutigineqarnera

Aalajangiiffigisassaq

SagsID.: EMN-2022-00979

Sanarfinermut Avatangiisinullu Ingerlatsivik – pisortaagallartuq Asmus Jessen Rubæk / ASJR

## Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Godthåb Jagtforening-ip pilersaarutitut qinnuteqaataa ingerlatsiviup piumasaqaataanik sillimaffigeqqusaanillu imalik akuerineqassasoq
- suliaq Aningaasaqarnermut Inuussutissarsiornermullu Ataatsimiititamat Kommunalbestyrelsimullu akuersissutigisassanngorlugu kiisalu sapaatip akunnerini arfineq pingasuni tamanut tusarniaassutigineqarnissaa siunertarlugu ingerlateqqinneqassasoq

## Suliamik saqqummiussineq

Sanarfinermut Avatangiisinullu Ingerlatsiviup matumuuna Prime View APS, pilersaarusiamik piginnittoq, sinnerlugu Godthåb Jagtforening-ip pilersaarutitut qinnuteqaataa saqqummiuppa.

Godthåb Jagtforening-i sapaatip akunnerini 10-ni tamanut tusarniaassutigineqarpoq piffissami 07.12-2022 - 15.02-2023. Piffissami pineqartumi tusarniaanermut akissutit tallimat tiguneqarput, akissut ataaseq allannguuteqartitsinermik kinguneqarpoq. Tusarniaanerup nalaani Katuami paasissutissiilluni ataatsimiititsisoqarpoq, tassani innuttaasut 10-t missaanniittut takkuppup.

Suliniummik piginnittoq nuukkusuppoq, nutarterusulluni aamma Godthåb Jagtforening-ip ooqattaasartarfiani periarfissat allilerneqarnissaannik kissaateqarpoq.

Ooqattaasartarfik taamaalilluni massakkut inissisimaffimminiit 1D9 – Avannalinnguag, Nuukullammiit 3D9-mut, Nuffiutaneq, Aanaap illuata avannaatungaanut nuussaaq. Taamaaliornissaq kissatigineqarpoq maannamut nunaminertaq Nuukullammi illoqarfimmut nutaamut suliniummumut atugassanngortikkusullugu.

Pilersaarutitut qinnutigineqartumiippup:

- Ooqattaasartarfiit pingasut isumannaallisaanermut killiliussat 140m ilanngullugit:
  - o Ooqattaasariaatsit Skeet, Trap aamma Sporting (qanittunut ooqattaasartarfiit, ungasinnerusunut ooqattaasartarfiit aamma ungasissutsinut assigiinngisitaartunut ooqattaasartarfiit) 60m x 60m
  - o Piniarnermut ooqattaasartarfik 120m x 60m
- Timersortartut illuat, 100-120 m<sup>2</sup> + silami nunaminertaq
- Biilinut uninngasartarfik

Ingerlatsivimmit maluginiaqquneqarpoq, biathlon-imut bane pilersaarummut atortuni ooqattaasartarfiit pingajuanniittussatut ilanngunneqartoq pilersaarummit peerneqarmat, NSP tassunga soqutiginninngimmat.

Pilersaarut kommunip tamakkiisumik siunnerfiinut aamma immikkoortumut pilersaarutaanut naapertuuppoq. Ingerlatsivimmit oqaatigineqarpoq Nuukullak illoqarfiup nutarsarneqarneranik suliniarfigineqartoq, aamma immikkoortup siunissami atorneqarsinnaanera pitsanngorsarniarlugu ooqattaasartarfik nuunneqartariaqarpoq. Aammattaaq oqaatigineqarpoq angallatinik piginnittut

amerlasuut oqattaasartarfik qanillugu sanioqquttartut, aamma taamaattumik sineriak sinerlugu isumannaallisaatitut ungasissusissaq eqquutsikkuminaatsuusoq. Oqattaasartarfik Nuukullammit nuunneqarpat immikkoortumi sammisanut allanut inissaqartitsisoqalissaaq, maanna illoqarfimmik aamma inissiaqarfimmik ineriartortinneqartumut tulluarnerusumik tallissutaasussatut naatsorsuutigisanik.

3D9 immikkoortuuvoq sunngiffimmi atortulersuutitut atugassatut naatsorsuutigineqartoq, pingaarnertut golfertarfimmut. Ingerlatsivimmit oqaatigineqarpoq Nuuk Golfklubimit immikkoortup ilaani 3D9-mi atortulersuutiminnik alliliiumanngitsut.

Pilersaarummi tummaallugu aqqusineeraq pioreersoq, ujakkaarfiit illerngi kiisalu qamuterallannut illerngit ataqqillugit pilersaarutigineqartoq inissinneqarpoq, aamma nunakkoortumik sissaaq sinerlugu aqqutissaaq aqqusaarneqarsinnaasunngortinneqarpoq.

#### Ingerlatsivimmit piumasaqaatit sillimaffigeqqusallu

Kalaallit Airports International A/S-ip tusarniaanermi akissuteqaataa tunngavigalugu, navianassutsimik naliliisoqarnissaa piumasarineqarpoq, timmisartut sillimaniarnerannik innarliinngitsumik takutitsisumik. Taanna Mittarfeqarfiit malittarisaat naapertorlugu suliarineqassaaq aamma Trafikstyrelsen-imit akuerineqaaqqaassaaq nunaminertamik atugassiisoqannginnerani. Navianassutsimik nalilersuineramik suliaqarnermut ilaatigullu aarlerinaatinik annikillisaanermi suliaqarnermut aningaasartuutit pilersaarummik qinnuteqartumit akilerneqassapput.

Aammattaaq oqattaasarfittaarnissaaq inaarutaasumik avatangiisinut naalakkersuisoqarfimmit, politiinit allanillu akuereqqaarneqartussaavoq. Tamannalu pilersaarutitut siunnersuutip sukumiisumik suliarineqarnissaanik aamma ingerlanneqarnissaa nipiliornermullu tunngasunik nassuiaasiortoqarnissaanik pisariaqarfiuvoq

Nutaamik sanaartorneq aallartitsinnagu immikkoortoq tamakkerlugu ataatsimoortumik pilersaarusionneqassaaq, sunik sanaartortoqarnissaanik, qanoq annertutigisumik inissisimaffissaalu kiisalu immikkoortup ineriartortinneqarnissaanut aalajangersakkat suliarineqarsimassapput. Nutaanik sanaartorneq immikkoortup nunataata inissisimaneranik mianerinnilluni ilusilersorneqassaaq. Suliarineqassappullu:

- Nunataa sulianerineqassappat nassuiaat. Ingerlatsivimmit oqaatigineqarpoq sanaartugartai sapinngisamik killilersimaarneqassasut
- Soqutigisaqaqatigiinnik ujakkaartartut peqatigiiffi allallu tamanut piffissami tusarniaanermut atatillugu akuutinneqarnissaat
- Atortut aamma klubhusip immikkuualuttuinik ataatsimut illuliortaaseqartinnissaannut pilersaarusionneq
- Isumannaallisaanermut killeqarfiup aamma banimut nunaminertap ersarissuunissaannik pilersaarut
- Timmisartut timmisarnerat silaannakkullu angallanermi asseq pillugit nalunaarut, naleqqiuguk Illersornissaqarfiup tusarniaanermi akissuteqaataa

Ilisimatitsissutitut oqaatigineqassaaq tusarniaanerup nalaani innuttaasunit arlalinnit pilersaarusiap avatangiisinut sunniutissai pillugit erumassuteqartoqarmat. Taakkununga ilaapput atsiornermik, liminaq-mi inoqutigiinnit 21-nit, katersineq, taakku ilaatigut nipiliornermik akornusersorneqarnissartik erumassutigivaat. Avatangiisinut Pilersaarusionnermullu najoqqutassiaq malillugu pilersaarutitut siunnersuut inissianut qaninnernut ungasissusissamut piumasaqaatinik naammassinnippoq, tamannalu oqattaasarfissap massakkut Nuukullammi inissisimaffianiittumi naammassineqanngilaq

Ingerlatsivimmit oqaatigineqassaaq matumani pilersaarutitut qinnuteqaatigineqartoq immikkut politikkikkut suliarisassanngortinneqarmat, kisianni soqutigisaqarnikkut pilersaarummut qinnuteqartoq Sermeq City peqatigigaa.

### **Ingerlatsivimmit aningaasatigut sulisoqarnikkullu naliliinerit**

Matumani pilersaarutitut qinnutigineqartumut atatillugu nalilersuineq ataatsimiinnerillu Sermeq City-p pilersaarutitut qinnuteqaataanik ataqatigiissillugu tamanna illoqarfimmik pilersaarusiortup ukiumut 1/4-ianik naleqartoq naatsorsuutigineqarpoq.

Ingerlatsiviup oqaatigissavaa, pilersaarummik piginnittup kommunimut pilersaarummut tapiliussap suliarinissaanut aammalu sanaartornermi, sanaartorfissagissaanermi sanaartornermilu aningaasartuutissat tamaasa akilissagai.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Godthåb Jagtforening pilersaarutitut qinnuteqaat
4. Pilersaarummik piginnittup allagartai
5. Naliliinissamut immersuiffissaq
6. Pilersaarutitut qinnuteqaatinik ingerlatsineq
7. Pilersaarutitut qinnuteqaatit misissuiviat
8. Inatsisartut inatsisaat nr. 34, 9. december 2015-imeersoq

## **Punkt 7: Pilersaarutitut siunnersuut Sermeq City inaarutaasumik akuersissutigineqarnera**

### **Beslutning**

Suliaq imm. 6-ip suliareqqinneqarnissaata tungaanut kinguartinneqarpoq, imm. 7-imummi tunngatillugu apeqquataagami imm. 6 akuerineqarnersoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Pilersaarutitut siunnersuut alla, Vingen

Pilersaarummik piginnittup allagartai, Vingen

Aningaasaqarneq pillugu nassuiaat, Vingen

Naliliinissamut immersuiffissaq, Vingen

Pilersaarummut qinnuteqaat, Sermeq City

Pilersaarummik piginnittup allagartai, Sermeq City

Aningaasaqarneq pillugu nassuiaat, Sermeq City

Naliliinissamut immersuiffissaq, Sermeq City

Pilersaarutitut qinnuteqaatinik ingerlatsineq

Pilersaarutitut qinnuteqaatit misissuiviat

Inatsisartut inatsisaat nr. 34, 9. december 2015-imeersoq

## Pilersaarutitut siunnersuut Sermeq City inaarutaasumik akuersissutigineqarnera

Aalajangiiffigisassaq

SagsID.: EMN-2019-00088

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Ingerlatsivimmit piumasaqaatit sillimaffigineqqusissutillu ilanngullugit pilersaarummut qinnuteqaat Sermeq City akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### Suliamik saqqummiussineq

Matumuuna pilersaarummik piginnittoq Prime View APS sinnerlugu Sanarfinermut Avatangiisinullu Ingerlatsivimmit pilersaarutitut qinnuteqaat Sermeq City saqqummiunneqarpoq.

Sermeq City sapaatip akunnerini 10-ni tamanut tusarniaassutigineqarpoq piffissami 07.12-2022 - 15.02-2023. Piffissami pineqartumi tusarniaanermut akissut ataaseq aamma allatut pilersaarutitut siunnersuut tiguneqarput. Ingerlatsiviup tungaaniit allannguutissannik peqanngilaq. Tusarniaanerup nalaani Katuami paasissutissiilluni ataatsimiititsisoqarpoq, tassunga innuttaasut 10-t missaanniittut takkupput.

Pilersaarummiipput illoqarfiup ilaa nutaaq inissiartalik, inuussutissarsiuteqarfittalik sukisaarsarfinnullu immikkoortortalik. Atoqarnissaa apequtaatillugu katillugit 32.500 m<sup>2</sup>:

- Inissianik siunertaliinnaat = inissiat 350-it missaanniittut
- Inissianik inuussutissarsiutinillu siunertallit soorlu ulluunerani aamma ulloq unnuarlu paaqqinnittarfiit, allaffeqarfiit hoteli, neriniartarfiit assigiinngitsut, nioqqutissanik allanillu pisiniarfiit = inissiat 250-it missaanniittut

Sanaartugassatut siunnersuut tallimanik immikkoortoqarpoq, immikkoortullu ima agguataarsimallutik:

- Immikkoortoq 1: Ilaqutariinnut ataatsinut illut arfineq-marluk (150 m<sup>2</sup>)
- Immikkoortoq 2: Ilaqutariinnut ataatsinut illut marluk (150 m<sup>2</sup>), ilaqutariinnut ataatsinut illut sisamat (300 m<sup>2</sup>) aamma inissiat kippaarissuliat pingasut (M+)
- Immikkoortoq 3: Inissiat kippaarissuliat marluk (M+), inissiat kippaarissuliat tallimat (S) aamma inissiat kippaarissuliat marluk (XS)
- Immikkoortoq 4: Inissiaq kippaarissuliaq (L), inissiat kippaarissuliat marluk (M+), illut attuumasunngortinneqartut marluk aamma qamutinut motoorilinnut uninngasarfik qulisaq
- Immikkoortoq 5: Inissiat kippaarissuliat arfineq-marluk (S) aamma inissiat kippaarissuliat qulit (XS).

Aallaqqaasiutitut ingerlatsivimmit pilersaarummut qinnuteqaammi nunaminertaq annertoq pineqartoq, siunnersuullu akuersissutigineqassappat qinnuteqartup ataatsip atorsinnaalissagaa, eqqumaffigeqquneqarpoq. Tamanna pilersaarutip ingerlalluarnissaanut mianernartoqarpoq. Taamatut ajornartorsiuteqarneq ingerlatsivimmit pilersaarummut qinnuteqaat Mitsimmavimmik, immikkoortup ilaa 4A7, pillugu naamattoorneqarnikuuvoq, tassanili pilersaarummik qinnuteqartumit allamik aamma Paamiut Nordhavnimut tunngasoq, tassani pilersaarummut

piginnittuusoq matumani pilersaarummut qinnuteqartuuvooq. Pilersaarut kingulleq taaneqartoq 2017-imi akuerineqarpoq, sulili sanaartornissamut qinnuteqarnani. Siuarsaanissamut tunngatillugu tamanna pilersaarummut qinnuteqaammummat matumunnga ernumatitsivoq. Ilisimatitsissutigineqassaaq, sanaartugassatut pilersaarutip aningaasatigut piviusunnngortinneqarsinnaasutut Grønlandsbankenimiit nalunaarutaasoq qinnuteqartumit nassiunneqarnikummat.

#### Sermeq City pillugu Ingerlatsiviup naliliinera

Suliniut kommunip tamakkiisumik siunnerfiinut aamma immikkoortumut pilersaarutaanut naapertuuppoq. Illoqarfiup alliertortinneqarnerata ilaatut illoqarfimmi illut pioreersut akornanni sanaartornissaaq Kommuneqarfik Sermersuup pingaarnermik anguniagaraa. Ingerlatsiviup oqaatigivaa Nuukullak tassaasoq illoqarfimmi ineriartorfiusoq, inissianik pilersaarutit assigiinngisitaartut nunap ilusaanik immikkoortullu atorineqarneranik allannguiffiusoq. Nuukullaap sissamut qanittua sulil allannngortinneqanngilaq, nalilerneqarporlu massakkut immikkoortumut pilersaarutigineqartoq atorlugu illoqarfiup ineriartortinneqarnissaanut alloriartoqarsinnaasoq.

Kommunip illuliortaatsimut politikkiani kinaassutsimik takutitsisup pingaaruteqarnera, sumiiffiup oqaluttuarisaaneranut tunngatinneqartoq eqqartorneqarpoq, taamaattorli nutaamik isikkoqarnissaanut peqataasoq. Ingerlatsiviup nalilerpaa pilersaarutip ilutsimigut atortutigullu immikkuullarissuunera illoqarfimmi illuliortaatsimik nutaanik takutitsisoq. Illuliortaatsimut politikki naapertorlugu pitsaaqutaavooq inissiaqarfiit ataatsimoorfissaqarnerat ilaatinneqarmat. Ingerlatsivik nalilivoq pilersaarutit qinnuteqaammi pingaartinneqartoq illut tamaani nunatamut tulluatuunissaat aamma tamatuma najugaqartunut avataaneersunullu pisuttuarfissaqqissuunissaa issiaarfissaqqissuunissaalu.

Etape 4-miippoq immikkoortup kitaani qaqqami isikkivigissumik pilersitsinissaaq. Ingerlatsivimmit nalilerneqarpoq tamanna immikkoortooq illoqarfimmi sumiiffittut nutaatut imaluunniit orninneqartartutut atorineqalissasoq, taamaalillunilu kikkut tamarmik nuannersumik tamaanga tikilluaqquneqarsinnaallutik. Soorluttaaq tamaani sissap tunngaani aneerasaarfik sissaq sinerlugu aqquसारिनेqartumut atassuserneqarnissaa eqqarsaatigineqartoq. Pilersaarusiampiipputaaq biilit uninngasarfissaat aamma illu biilinut inissiisarfik. Nalilerneqarpoq tamanna suliniutitsialaasoq ajornartorsiutigineqartuuartartup qaangerneqarnissaanut.

#### Ingerlatsiviup Vingen-imik naliliinera, allatut pilersaarutit siunnersuut

Pilersaarutit allatut siunnersuut Vingen, Ejendomsselskabet Brøndum Grønland ApS-imit nassiunneqarpoq, 5-inik illutaqarpoq ataatsimut 13.705 m<sup>2</sup>-it, taakkununnga ilaapput:

- Inissianut nunaminertaq 10.502 m<sup>2</sup> (inissiat 120-t)
- Inuussutissarsiornermut nunaminertaq 806 m<sup>2</sup>
- Biilinut uninngasarfik 2397 m<sup>2</sup>

Illut marluk ullumikkut Brøndum-ip sannaviutaasa inissisimaffianniipput, taamaalillutillu Sermeq City-p ataatsimut pilersaarusiortifata avataaniillutik. Taamaalilluni siunnersuutip piviusunnngortinnissaanut atuuffioreersut nunaminertassanik allanik pissarsissunneqarnissaat pisariaqarpoq.

Illut siunnersuutigineqartut ilusilerneqarnissaat Sermeq City-p ataatsimut pilersaarutaanut sunniuteqassaaq, illu 7 aamma 8 tassannga peerneqarput. Illut allat pingasut Brøndum-ip massakkut nunaminertaata uiggiutaani inissisimapput. Taakku Sermeq City-p immikkoortortaani 4-ni illunik 2-6-inik taarsiipput.

Pilersaarutitut siunnersuut Vingen immikkut pilersaarutaavoq Sermeq City-p ataatsimut pilersaarusionsiorfiata *iluani*. Taamaalillunilu pilersaarutitut qinnuteqaat Sermeq City-mut atatillugu naliliiffigineqarpoq taannalu Sermeq City avaqqullugu akuerineqarsinnaangilaq.

Pilersaarutitut siunnersuummi illut qangatoortut takisuut aallaavigineqarput, taakkulu sammivilersorneqassapput nunap kimmut sivinganera malillugu peqatigitillugulu inissiat isikkiviinut tunngasut qulakkeerneqassapput. Illut isikkussaattut siunnersuutigineqartoq ataatsimut isigalugu ingerlatsiviup nalilerpaa taakku Sermeq City-p ataatsimut pilersaarutaanut nallersuuttut aamma taassuma nangillugu suliarineqarnissaanut atorineqarsinnaasoq. Taamaattorli ataatsimut pilersaarummi pilersaarutitut siunnersuut naleqarnerulersitsissangilaq. Taanna silataani nunaminertat iluarsaanneqarnissaannik imaqaangilaq aamma illoqarfimmut iluaqutaanaviangilaq, assersuutigalugu Sermeq City-mi immikkoortumi isikkivimmut tunngasumut tunngatillugu. Taassuma saniatigut pilersaarummik qinnuteqartoq nammineerluni Brøndum-ip sannaviutaannut allanik nunaminertassanik nassaarsiortoqarnissaa sillimaffigivaa, soorlu aallaqqaasiummi taaneqartoq.

Taamaattumik pilersaarutitut allatut siunnersuut itigartinneqassasoq Ingerlatsiviup inassutigivaa, kisianni illut Brøndum-ip nammineq nunaminertaani inissinneqarsinnaaneri ataatsimut pilersaarutip ilaatut ilanngunneqarsinnaapput taassuma nangillugu suliarinerani

#### Ingerlatsivimmit piumasaqaatit sillimaffigineqqusissutillu

Nutaamik sanaartorneq aallartitsinnagu immikkoortoq tamakkerlugu ataatsimoortumik pilersaarusionsiorfigineqassaaq sunik sanaartortoqarnissaanik, qanoq annertutigisumik inissisimaffissaalu kiisalu immikkoortup ineriartortinneqarnissaa pillugu sukumiisumik aalajangersakkat aalajangersarneqaaqqaassapput. Nutaanik sanaartornermi, immikkoortup nunataata inissisimanera mianeralugu ilusilersuisoqassaaq. Aamma suliap ingerlanneqarnissaa pillugu ingerlatsivik makkuninnga piumasaqarpoq:

Pilersaarutip aningaasaqarnikkut tamakkiisumik ingerlanneqarsinnaaneranut takussutissiaq.

Nunaminertamik inniminniisoqartinnagu:

- Pilersaarummi nunaminertani B-1387 aamma B-3059 inissisimapput. Pilersaarutigineqartumut nunaminertamik inniminniisoqartinnagu, kommunimiit piumasarineqarpoq nunaminertamik atugassinneqartup aamma pilersaarummik piginnittup akornanni allakkatigut uppersaammik tunniussinissamik isumaqatigiissuteqartoqarsimanissaa. Nunaminertanut taakkununnga marlunnet uppersaaitit ingerlatsivimmit tiguneqarput
- Kommuni pilersaarummillu piginnittup akornanni isumaqatigiissusiornissamut takussutissaliortoqassaaq, ukuninnga imaqartumik:
  - o Immikkoortunut piffissalersuilluni pilersaarut, soorlu nunaminertamik inniminniineq atugassiinerlu, taakkumi pisariaqartuupput. Tassa imaappoq, piffissarititaq immikkoortumullu pilersaarut malinneqangippata taava kommune nunaminertamik utertisisinnaavoq, taannalu atugassanngortillugu nalunaarutigalugu. Immikkoortoq ingerlasoq naammassineqareertinnagu tullianut nunaminertamik atugassiisoqarsinnaangilaq, tassani ilanngullugu pineqarlutik biilnik inissiisarfinnik aamma illup silataanik naammassisaaneq, sissaq sinerlugu aqut ilanngullugu. Isumaqatigiissummut takussutissiami immikkoortulersuineq imaangilaq pilersaarutissatut qinnuteqaammi allaaserineqartup assigissagaa
  - o Aningaasaqarnikkut qularnaveeqqusiineq/taarsiisinnaassuseqarneq, pilersaarut unitsiinnarneqariataassagaluarpat kommunip aningaasartuutunik matussuseeritaarnissaanut sanillersuussinnaasoq
  - o Pilersaarummik piginnittuusumut nunaminertamik atugassiissutaasimasunik atunngitsunik atortussaajunnaarsitsisinnaaneq, tassa pilersaarusionsiornermut

inatsimmi §1 naapertorlugu. Nuummi nunaminertanik amigaateqarneq annertoorujussuuvoq, nunaminertanillu atugassiisutaasimasunik atuinnginneq annertuumik ajornartorsiutaalluni, tamannami illoqarfimmi ineriartortitsisinnanermut kigaalaqutaavoq

- Pilersaarutissatut siunnersuutip kingunerisaanik qanittuani aqqusinikkut angallannerup annertusinissaa pissutigalugu angallannermi pitsanngorsaaneq, pilersaarusionermut inatsit §46, imm. 3 naapertorlugu
- Isumaqatigiissutitut takussutissiaq politikikkut akuersissutigineqassaaq

Kommunimut pilersaarummut tapiliussassami uku sakkortusisamik piumasaqarfigineqassapput:

- Illuliortaaseq, illoqarfiup ilaata assigiinngiaartumik isikkoqartinnissaata qulakkeernissaa, ataatsimoortuuneranik takutitsisumik. Ilanngullugit atortut illullu aalajangersimasumik ilusilerneqarnissaat
- Illoqarfiup ilaata akorngata suliarineqarsimanissaa, uninngaarnissamut pinnguarnissamullu periarfissalimmik
- Aputip, sialuup apummillu iminnguuttup isumagineqartarneri
- Illup attanneqarsinnaassusia, pilersaarummi illup piujuartitsinermi DGNB SØLV-imi inissisimanissaanik anguniagaqarneq malillugu

Sanaartornissamut sullissinermi piumasaqaatit sakkortusisat:

- Sanaartorneq tamakkerlugu angallannerup isumannaatsumik ingerlanneqarnissaanut pilersaarut, ersarissumik pisuinaat assigisaallu aammalu qamutiniq motoorilinnik angallatillit immikkoortinneqarnissaat ilanngullugu, immikkoortumi qammaqusersuineq kiisalu aqquserngit sulineri atorneqartut immikkoortumilu atassuteqaataasut immikkoortinneqarnissaat. Atuisinnaatitaanermik akuersisoqartinnagu tamakkua atortuutinneqalereersimassapput

Matuma siuliini piumasaqaatit sillimaffigisassallu naammassineqanngippata nunaminertamik inniminniinissaa/atugassinneqarnissaaq pisinnaassanngilaq.

Ingerlatsivimmit oqaatigineqassaaq matumani pilersaarutitut qinnuteqaatigineqartoq immikkut politikikkut suliarisassanngortinneqarmat, kisianni soqutigisaqarnikkut pilersaarummut qinnuteqartoq Godthåb Jagtforening peqatigigaa. Godthåb Jagtforening-ip pilersaarummut qinnuteqaataata akuerineqarnissaa Sermeq City-p piviusunngortinneqarnissaanut pisariaqarpoq.

### **Ingerlatsivimmit aningaasatigut sulisoqarnikkullu naliliinerit**

Pilersaarutitut qinnutigineqartumut atatillugu nalilersuineq ataatsimeeqatigiinnerillu ingerlanneqartut pilersaarutitut qinnutigineqartumut atatillugu, Godthåb Jagtforening naatsorsuutigineqarpoq illoqarfimmik pilersaarusiortartumut ukiup 1/4-anik sulinerimik naleqartoq. Ingerlatsiviup oqaatigissavaa, pilersaarummik piginnittup kommunimut pilersaarummut tapiliussap suliarinissaanut aammalu sanaartornermi, sanaartorfissagissaanermi sanaartornermilu aningaasartuutissat tamaasa akilissagai.

### **Suliffeqarfirmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaaq allakkallu tunngaviusumik uppersaartatillit**

- Pilersaarusionerq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

**Ilanngussaq**

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Pilersaarutitit siunnersuut alla, Vingen
4. Pilersaarummik piginnittup allagartai, Vingen
5. Aningaasaqarneq pillugu nassuiaat, Vingen
6. Naliliinissamut immersuiffissaq, Vingen
7. Pilersaarummut qinnuteqaat, Sermeq City
8. Pilersaarummik piginnittup allagartai, Sermeq City
9. Aningaasaqarneq pillugu nassuiaat, Sermeq City
10. Naliliinissamut immersuiffissaq, Sermeq City
11. Pilersaarutitit qinnuteqaatinik ingerlatsineq
12. Pilersaarutitit qinnuteqaatit misissuiviat
13. Inatsisartut inatsisaat nr. 34, 9. december 2015-imeersoq

## **Punkt 8: Paamiut qanittuanni qassusersorluni qaleralinniarnissamut periarfissinneqarnissaq**

### **Beslutning**

Inassuteqaat amerlanerussuteqartut, (IA aamma N), akuersissutigaat.

Inassuteqaat ikinnerussuteqartunit (S aamma D) itigartitsissutigineqarpoq. Siumumit aamma Demokratinit ikinnerussuteqarnermi oqaaseqaat: Suliaq attuumassuteqartunut tusarniutigineqartariaqarpoq.

## Paamiut qanittuanni qassusersorluni qaleralinniarnissamut periarfissinneqarnissaq

Aalajangiiffigisassaq

SagsID.: EMN-2022-09617

Sanarfinermut Avatangiisinullu Ingerlatsivik – pisortaagallartoq Asmus Jessen Rubæk / ASJR

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Paamiut qanittuanni misileraalluni qaleralinniarnissaq periarfissaq itigartitsissutigineqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

### Suliassamik saqqummiussineq

Kommunalbestyrelsimi ilaasortaq Dorthe-Marie Fontain-Mogensen novembarip 28-anni 2022-mi allaffeqarfimmumt apeqquteqarpoq, siunnersuutigalugulu piffissami killilikkami sumiiffimmi killilikkami Paamiut qanittuanni qassusersorluni qaleralinniarnissamut misileraasoqassasoq, tassa Kommunalbestyrelsip oktobarip 5-ianni 2021-mi ataatsimiinnerani immikkoortoq 14 aalajangerneranut ingerlariaqqinnertut. Kommunalbestyrelse aalajangerpoq, suliaq ataatsimiititamut susassaqartumut ingerlateqqinneqassasoq, siunnersuummut periarfissat misissorneqarniassammata. Aningaasaqarnermut Inuussutissarsiornermullu Ataatsimiititamiikkunnaarlunili Sanarfinermut Avatangiisinullu Ataatsimiititamiilernikuuvoq.

Aalisarnej pillugu inatsisartut inatsisaat nr. 18, 31. oktober 1996-imeersumi § 23 naapertorlugu Naalackersuisut akuersissuteqarneratigut aalisarnej pillugu kommunit malittarisassaliorinnaapput. Malitarisassat matumani Kommuneqarfik Sermersuumi inuussutissarsiteqarnikkut qaleralinniarneq pillugu ileqqoreqqusani qaleralinniarnermut ileqqoreqqusat 2014-imi Kommuneqarfik Sermersuumit akuersissutigineqarput.

Kommuneqarfik Sermersuumi inuussutissarsiteqartut qassusersorlutik qaleralinniarnernanni ileqqoreqqusami "qassusersorneq" ima paasineqassaaq: Kivisittakkanik qassusersorneq allatigullu qassusersorluni, taamaattoq bundgarnit pinnagit. Kommuneqarfik Sermersuumi inuussutissarsiteqartut qassutit atorlugit qaleralinniarnerat inerteqqutaavoq. Kommunilli sineriaa kangianiittoq inerteqquteqarnermi tassani ilaatinneqanngilaq. Ileqqoreqqusat uku aqqutigalugit immikkut akuersissuteqartoqarsinnaanngilaq.

46, 14. december 2020-meersumi § 8 naapertorlugu qassutinik kilisallunilu qaleralinniarneq inerteqqutaavoq. Taamaattorli piffissami killilikkami sumiiffimmi killilikkami aalisarnissamut kommunit ileqqoreqqusaani akuersissuteqarnissamut pisinnaatinneqarput. Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. december 2020-meersumi § 8 naapertorlugu piffissami killilikkami sumiiffimmi killilikkami kommunip ileqqoreqqusaani bundgarnersorluni immikkut aalisarsinnaaneq ingerlatsivimmit naliliineq malillugu imaanngilaq immikkut akuersissutissatut paasineqassasoq. Misileraalluni aalisarnissamut akuersissuteqarniaraanni kommunip ileqqoreqqusai allanngortittariaqarput.

Paamiuni qaleralinnut tunngasut Nunatta Kujataanut attuumassuteqartinneqarput. 2022-mi biologit siunnersuinerat naapertorlugu pisassat 222 tons-iupput. 2020-mi pisat pillugit paasissutissat



kingulliit pigineqartut naapertorlugit 391 tons-it pisarineqarsimapput. Taamaammat qalerallinniarneq uumasooqassuseq eqqarsaatigalugu attanneqarsinnaanngitsoq aningaasaqarnikkullu imminut akilersinnaassanngitsoq nalilerneqarpoq.

Ingerlatsivimmit nalilerneqarpoq, matuma siuliini taaneqartut naapertorlugit ileqqoreqqusat allangortinneqanngippata Paamiut qanittuanni qassusersorluni qalerallinniarnissamut misiligaasoqarnissamut siunnersuut akuerineqarsinnaassanngitsoq. Ingerlatsivimmit nalilerneqarpoq, aalisarneq uumassuseqassutsikkut attanneqarsinnaassanngitsoq aningaasaqarnikkullu imminut akilerneqarsinnaassanngitsoq, taamaattumillu siunnersuut itigartinneqassasoq innersuussutigalugu.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunalbestyrelsip suleriaasissaatut aalajangersagaq §3: Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq
- Aalisarneq pillugu inatsisartut inatsisaat nr. 18, 31. oktober 1996-imeersoq
- Sinerissap qanittuani qalerallinniarneq pillugu Namminersorlutik Oqartussat nalunaarutaat nr. 46, 14. december 2020-meersoq
- Kommuneqarfik Sermersuumi inuussutissarsiutigalugu qalerallinnik aalisarneq pillugu maleruaqqusaq

### **Siusinnerusukkat aalajangiinerit**

*Kommunalbestyrelse 05.10.21:*

Kommunalbestyrelsip aalajangerpaa siunnersuut ataatsimiititamut paasissutissat sukumiinerusut misissorneqarnissaat siunertaralugu ingerlateqqinneqassasoq.

### **Ilanngussat**

Soqanngilaq.

## **Punkt 9: Kuummiini tunitsiviup tungaanut aqqusinigissaasoqarnissaq siunnersuut**

### **Beslutning**

Siunnersuut ingerlatsivimmut ingerlateqqinneqassaaq, aqquserngup iluarsartuunneqarsinnaananut tunngasoq misissorneqarniassammat.

## Kuummiini tunitsiviup tungaanut aqqusinigissaasoqarnissaq siunnersuut

Ataatsimiititami ilaasortap Peter Davidsenip (S) Sanarfinermut Avatangiisinullu Ataatsimiititami siunnersuutaa

Aalajangiiffigisassaq  
SagsID.: EMN-2023-012176

### Inassuteqaat

Ataatsimiititami ilaasortap Peter Davidsenip (S) Sanarfinermut Avatangiisinullu Ataatsimiititami inassuteqaatigaa:

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### Suliassamik saqqummiussineq

Ataatsimiititami ilaasortap Peter Davidsen (S) ulloq 11. maaji 2023 aalajangiiffigisassatut siunnersuummik Sanarfinermut Avatangiisinullu Ataatsimiititami nassiuusaqarpoq.

Peter Davidsenip kissaatigaa Kuummiini tunitsiviup tungaanut aqqusinigissaasoqarnissaanut periarfissaq Sanarfinermut Avatangiisinullu Ataatsimiititap eqqartussagaa.

Tunngavilersuut:

*"Kuummiuni nunaqarfittaaniit tunitsiviup tungaanut aqqusineq pitsaanngilluinnarpoq. Annertuumik aseruatitersimavoq ilaatigut assakaasulinnik angallavigissallugu ulorianarsinnaaqisoq.*

*Tunitsivik maanna ineriartortinneqarpoq, tamatuma nassatarisariaqarpaa aqqusernup tungaanut aamma pitsanngorsarneqarnissaa. Ajutoortoqassagaluarpammi aqqusernup aserungaatsiarsimanerata inuk innarlarsinnaammagu. Taamaattumik kissaatiginarluinnarpoq aqqusernit Kommuneqarfiup susassarimmagit aqqissuussinissaq piaartumik pilertorsinnaassasoq.*

*Ilaatigut qamutit angisuunik assakaasullit taavunga ingerlasariaqartarput, aqqusernup killingi ilaatigut nakkaasimapput. Taamaatsillugu ulorianangaatsiarsinnaavoq, Kommunitut pisussaaffik naapertorlugu taamaattoqarnera eqqumaffissaavoq iluarsiivigissallugulu pisussaaffiulluni."*

### Siunnersuut qanoq aningaasaliiffigineqassava?

Siunnersuuteqartumiit ersarissarneqanngilaq.

### Inatsisitigut tunngavissaq allakkallu tunngaviummik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutiniq saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq

oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

**Ilanngussat**  
Soqanngilaq.

## **Punkt 10: Oqaluuserisassanut tapiliusseq: Kommunitut pilersaarummut tapiliusseq 1A3-3 Jens Kreutzmannip Aqqutaa aamma Saqqarliit, Nuuk**

### **Beslutning**

Inassuteqaat akuersissutigineqarpoq, ima allannguutitalerlugu: Immikkut akuersissummik qinnuteqaqqaanngikkaluarluni fibercementit qalipaasersoriikkat atorneqarsinnaanissaat periarfissaalersinneqarusuppoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 1A3-3, Jens Kreutzmannip Aqqutaa aamma Saqqarliit, Nuuk

## **Kommunimut pilersaarummut tapiliusseq 1A3-3 Jens Kreutzmannip Aqputaa aamma Saqqarliit, Nuuk**

Kommunimut pilersaarummut tapiliussap inaarutaasumik akuersissutigineqarnera

Aalajangiiffigisassaq

SagsID: EMN-2022-09679

Sanarfinermut Avatangiisinullu Ingerlatsivik - pisortaagallartoq Asmus Jessen Rubæk / ASJR

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- Kommunimut pilersaarummut tapiliussatut siunnersuut, 1A3-3 Jens Kreutzmannip Aqputaa aamma Saqqarliit, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamat akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsiviup matumuuna 1A13-23 Jens Kreutzmannip Aqputaa aamma Saqqarliit saqqummiuppa.

Kommunimut pilersaarummut tapiliusseq siunnersuutitut sapaatip-akunnerini arfinilinni tamanut tusarniaassutigineqarpoq, piffissami marsip ulluisa 30-anit maajip ulluisa 25-iata 2023-p tungaanut. Tusarniaanermut killiliussap iluani akissutit 6 tiguneqarput. Taakku annikitsunik oqaasertaatigut aaqqiissuteqartitsissapput. Biilinut uninngatitsivissamat nunaminertassamik nuussineq allannguutit ilagaat.

Immikkoortup ilaa 1A3 Nuup qeqqaniippoq Qapiarfiusaap aamma Dronning Ingridip Napparsimmavissuata (SANA)-p akornanniilluni 12 ha.-llu miss. annertutigaaq.

Kommunimut pilersaarummut tapiliusseq 1A3-3 suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerigineqartuaannarniassamat. Tassunga atatillugu kommune inissiaqarfiup sanaartorfineqanngitsortaa pillugu, pitsaaqutaalu pillugit tamakkiisumik nalilersuivoq, inissiat qanoq ilillutik allilerneqarsinnaanersut siunissamullu qulakkeerneqarsinnaanersut, sumiiffimmi illuliortaaseq immikkullu ilisarnaatai atatiinnarlugit.

Kommunimut pilersaarummut tapiliussassatut siunnersuummi immikkoortup nunap assingani killilersugaanera annertusineqarpoq aamma immikkoortup ilai 1C8-p aamma 1D3-p ilaat ilanngunneqarlutik. Pilersaarusiortuup pingaarnertut atuuffia inissiaqarfittut attatiinnarneqassaaq.

Immikkuualuttut marluk atugassiissutigineqarput. Immikkuualuttoq A siammasissunik pukkitsunik inissianik sanaartorfissatut atugassiissutigineqarput, quleriit 1,5-it tikillugit, annerpaamik tunngaviup nunaminertarissavaa 120 m<sup>2</sup>. Ungasissusissamat piumasaqaat tunngavigalugu inissiat tamarmik tunngaviup nunaminertaata annerpaaffissaannut allilerneqarnissaat periarfissaqanngillat. Immikkuualuttoq B akulikitsunik pukkitsunik inissianik sanaartorfissatut atugassiissutigineqarput, quleriit 2,5-it tikillugit, Immikkuualuttoq B-mi illut uiguleriit tallimaanit pingasut isatereerput uiguleriillu kingullit marluk isatereqarnissaannut pilersaarutaareerlutik. Kommunimut pilersaarummut tapiliussami maanna siusinnerusukkulluunniit uiguleriit inissiat inissisimaffianni nutaanik sanaartorfissanik atugassiisoqarpoq. Uiguleriinnik nutaanik sanaartornermi

aalajangersakkat tunngavigalugit eqqaaniittunut illunut sanaartorfinnut tulluartaunissaat qulakkeerneqassaaq.

Matumani Kommunimut pilersaarummut tapiliussassatut siunnersuutip 1A3-3-p akuersissutigineqarneratigut 1A3-2 atorunnaarsinneqassaaq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Pilersaarusionerit aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 1A3-3, Jens Kreutzmannip Aqqutaa aamma Saqqarliit, Nuuk

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:48